

春秋
穀



春秋穀梁傳卷六

晉范甯集解

唐陸德明音義

文公

○襄王二十六年即位名興

元年春王正月公即位繼正即位正也

繼正謂繼正卒也應去即位以見讓桓書即位示安忍莊閔僖不言即位皆繼

弑○去起呂反見賢編反

○二月癸亥日有食之○天王使叔服來會葬

諸侯喪天子使大夫會葬禮也傳例

曰天子大夫稱字蓋未受采邑故不稱氏字者貴稱故可獨達也○貴稱尺證反

葬曰會

言會明非一人之辭

其志重天子之禮

也○夏四月丁巳葬我君僖公薨稱公舉上也葬我君接上下也僖公葬而後

舉諡諡所以成德也於卒事乎加之矣○天王使毛伯來錫命

毛采邑伯字也天子上大

夫也○錫星歷反采音菜邑本又作地

禮有受命無來錫命非正也○晉侯伐衛

叔孫得

臣如京師○衛人伐晉○秋公孫敖會晉侯于戚

禮卿不得會公侯春秋尊魯內卿大夫可以會外諸侯戚

衛地○戚倉寂反

○冬十月丁未楚世子商臣弑其君髡

鄭嗣曰商臣繆王也髡文王之

其君者君之於世子有父之親有君之尊言世子所以明其親也言其君所以明其尊也商臣於尊親盡矣○髡苦門反

日髡之卒所以謹

商臣之弑也夷狄不言正不正

徐乾曰中國君卒正者例曰篡立不正者不曰夷狄君卒皆略而不日所以殊夷夏也今書日

謹識商臣之大逆爾不以明髡正與不正

○公孫敖如齊

二年春王二月甲子晉侯及秦師戰于彭衙

○彭衙秦地

秦師敗績○丁丑作僖

公主作為也為僖公主也

為僖公廟作主也主蓋神之所馮依其狀正方穿中

于偽反馮皮冰反長尺

立主喪主于虞

禮平旦而葬日中反而祭謂之曰虞其主用桑

吉主於練期而

其主

作僖公主譏其後也

僖公薨至此已十五月

作主壞廟有時日於練馬壞廟壞廟之

道易檐可也改塗可也

禮親過高祖則毀其廟以次而遷將納新神故示有所加○壞音怪下同檐以占反

○三月乙巳

及晉處父盟

晉大夫陽處父

不言公處父伉也為公諱也

諱公與大夫盟去處父氏公親如晉使若與其君盟如經

言和儀父矣不書地者公在晉也莊十二年秋七月丙申及齊高偃盟于防

不去高偃氏者公不親如齊不與其君盟于恥差降○伉苦浪反為公于偽反

去處父起呂反下同僖音

恥也出不書反不致也

○夏六月公孫敖會宋公陳侯鄭伯晉士穀盟于垂斂

垂斂鄭地○穀戶木反本又作穀九年同斂如字左氏作垂斂

內大夫可以會外諸侯○自十有二月不雨至

于秋七月

建午之月猶未為災

歷時而言不雨文不憂雨也

僖公憂民歷一時輒書不雨今文公歷四時乃書是不勤

雨也

不憂雨者無志乎民也

無恤民志

○八月丁卯大事于大廟躋僖公

大事禘也時三年之喪未

終而吉祭于大廟則其譏自明○大廟音秦注及傳大祖同躋于今反升也

禘戶夾反下及注皆同大事者何大是事也著禘嘗

禘合也

禘祭者毀廟之主陳于大祖未毀廟之主皆升合祭于大祖

禘祭者皆合祭諸廟

已毀未毀者之主于大祖廟中以昭穆為次序父為昭子為穆昭南鄉穆北鄉孫從王父坐也祭畢則復還其廟○昭音韶下及傳同鄉音向下同躋升

也先親而後祖也逆祀也

舊說僖公閔公庶兄故文公升僖公之主于閔公之上耳僖公雖長已為臣矣閔公雖小已為君矣臣不

可以先君猶子不可以先父故以昭穆父祖為喻甯曰即之於傳則無以知其然若引左氏以釋此傳則義雖有似而于文不辨高宗殷之賢主猶祭豐于禩以致雉雒之變然後率修常禮文公僖倒祖考固不足多怪矣親謂僖祖謂莊○長丁文反先悉薦反下同禩乃禮反雖古豆反雉鳴也僖于田反倒丁老反

逆祀則是無昭穆也無昭穆則是無祖也無祖則無天也故曰文無天無天者

是無天而行也

祖人之始也人之所仰天也

君子不以親親害尊尊此春秋之義也

尊卑有序不可

亂也

○冬晉人宋人陳人鄭人伐秦○公子遂如齊納幣

喪制未畢而納幣書非禮

三年春王正月叔孫得臣會晉人宋人陳人衛人鄭人伐沈沈潰

沈國也潰之為言上下不

相得○沈音

○夏五月王子虎卒叔服也此不卒者也

外大夫不書卒何以卒之以其

來會葬我卒之也

會葬在元年

或曰以其嘗執重以守也

僖二十四年天王出居於鄭叔服執重任以守國○

守手又反

○秦人伐晉○秋楚人圍江○雨螽于宋外災不志此何以志也曰災甚

也此甚奈何茅茨盡矣

茅茨猶盡則嘉穀可知茨蒺藜○雨于付反下同螽音終茨在思反茅草也

著於上見於下

謂之雨

見賢偏反

○冬公如晉○十有二月己巳公及晉侯盟○晉陽處父帥師

伐楚救江此伐楚其言救江何也江遠楚近伐楚所以救江也

時楚人圍江晉師伐楚楚國有

難則江圍自解○難乃旦反解音蟹又古買反

四年春公至自晉○夏逆婦姜于齊其曰婦姜為其禮成于齊也

婦禮成于齊故在齊便稱

婦○為于偽反

其逆者誰也親逆而稱婦或者公與何其速婦之也

鄭嗣曰皆問者之辭問者以使大夫

逆例稱女而今稱婦為是公親逆與怪稱婦速故反覆推之○與音餘注同覆芳服反

曰公也其不言公何也

據莊二十四年公如

齊逆女言公

非成禮于齊也

非責

曰婦有姑之辭也其不言氏何也貶之也何為貶之

也夫人與有貶也

邵曰夫人能以禮自防則夫婦之禮不成於齊故譏公而夫人與焉○與音豫注同貶彼檢反

○狄侵齊○

秋楚人滅江○晉侯伐秦○衛侯使甯俞來聘

俞羊朱反

○冬十有一月壬寅夫

人風氏薨

傷公母風姓

五年春王正月王使榮叔歸含且賵

含口實也禮記曰飯用米貝弗忍虛也諸侯含用玉榮叔天子之上大夫也榮米地

叔字○含戶暗反釋舊作含贈芳鳳反飯扶晚反

含一事也賵一事也兼歸之非正也

禮含贈祔各異人○祔音遂

其曰且志兼也其不言來不周事之用也

何休曰四年夫人風氏薨九年秦人來歸僖公成風之祔最晚矣何以言

來鄭君釋之曰秦自敗于殽之後與晉為仇兵無休時乃加免繆公之喪而來君子原情不責晚用或作辭○殽戶交反

賵以早

乘馬曰賵乘馬所以

助葬成風未葬故書早○乘繩證反下同

而含以晚

已殯故言晚國有遠近皆令及事理不通也禮雜記曰含者執璧將命曰寡君使某含相者入

告出曰孤某須矣含者入升堂致命子拜稽顙含者坐委于殯東南有葦席既葬蒲席降出反位明君之于臣有含賵之義所以助喪盡恩含不必用示有其

禮○令力呈反相息亮反稽音啓顙息黨反葦于鬼反

○三月辛亥葬我小君成風王使毛伯來會葬會

葬之禮於鄙上

從竟至墓主為送葬來○竟音境為于偽反

○夏公孫敖如晉○秦人入郛

郛音若

秋楚人滅六○冬十月甲申許男業卒

六年春葬許僖公○夏季孫行父如陳

行父季友孫

○秋季孫行父如晉○八月乙

亥晉侯驪卒

驪好官反

○冬十月公子遂如晉○葬晉襄公○晉殺其大夫陽處

父稱國以殺罪累上也襄公已葬其以累上之辭言之何也君漏言也上泄則

下闇下闇則上聾且闇且聾無以相通

臣闇不言君無所聞上下否塞○累劣偽反下同或如字漏魯丘反泄息列反

又以制反聾魯公反否備鄙反

夜姑殺者也

殺處父○夜姑左氏作射姑

夜姑之殺奈何曰晉將與狄戰使

狐夜姑為將軍趙盾佐之陽處父曰不可古者君之使臣也使仁者佐賢者不

使賢者佐仁者今趙盾賢夜姑仁其不可乎

邵曰賢者多才也戰主于攻伐仁者有惻隱之恩不如多才者有權

略○盾徒本反攻如字又音貢惻初力反

襄公曰諾謂夜姑曰吾始使盾佐女今女佐盾矣

稱處父語以語

之故傳曰漏言也○女音汝語魚慮反

夜姑曰敬諾襄公處死父主竟上事

待諸侯會葬在鄙上○竟音境

夜姑

使人殺之君漏言也

親殺者夜姑而歸罪于君明由君言而殺之罪在君也故稱國以殺

故士造辟而言詭辭而

出辟君也說辭而出不以實告人○造七報反辟必亦反君也注同說九姜反

曰用我則可不用我則無亂其德此

對君言之辭

○晉狐夜姑出奔狄○閏月不告月猶朝于廟

禮天子以十二月朔政班告于諸侯諸侯受于

禰廟孝子尊事先君不敢自專也言朝者緣生以事死親存朝朝莫夕不敢泄鬼神故事畢感月始而朝之○猶朝直遯反注及下同朝朝上如字下直遯反

莫音慕泄
息列反

不告月者何也不告朔也不告朔則何為不言朔也閏月者附月之

餘日也積分而成於月者也

一歲三百六十日餘六日又有小月六積五歲得六十日而再閏積眾月之餘分以成此月天

子不以告朔而喪事不數也

閏是叢殘之數非月之正故吉凶大事皆不用也○數所古反或所具反叢徂供反猶之為

言可以已也

郊然後三望告朔然後朝廟俱言猶義相類也既廢其大而行其細故識之

七年春公伐邾三月甲戌取須句

○句其俱反

取邑不曰此其日何也

據僖二十六年公伐齊取

穀不正其再取故謹而日之也

僖二十二年公已伐邾取須句過而不改于此為甚故錄日以志之

○遂城郕

○郕音吾遂繼事也

因伐邾之師

○夏四月宋公壬臣卒

○壬或作王

○宋人殺其大夫稱人

以殺誅有罪也○戊子晉人及秦人戰于令狐

令狐秦地令力丁反

晉先蔑奔秦不言

出在外也輟戰而奔秦以是為逃軍也

輟止也為將而獨奔故曰逃軍○輟丁劣反將子匠反

○狄侵我

西鄙○秋八月公會諸侯晉大夫盟于扈

扈鄭地扈音戶

其曰諸侯略之也

晉侯新立公始

往會晉侯不盟大夫受盟既以喪娶又取二邑為諸侯所賤不得序于會諱使若扈之盟都不可知故畧之○娶七往反

○冬徐伐莒○公

孫敖如莒莅盟莅位也其曰位何也前定也其不曰前定之盟不曰也

八年春王正月○夏四月○秋八月戊申天王崩襄王○冬十月壬午公子遂會

晉趙盾盟于衡雍

衡雍鄭地雍于用反

○乙酉公子遂會雒戎盟于暴

鄭地○雒音洛本或作伊雒之

戎

○公孫敖如京師

吊周喪

不至而復丙戌奔莒不言所至未如也

若其已行當如公子遂至

黃乃復今不言所至而直言復知其實未知也

未如則未復也未如而曰如不廢君命也

雍曰受命而出義無私留

書如京師以顯命行于下不書所至以表不去之罪

未復而曰復不專君命也

復者事畢之辭未如故知其未復如畢之事文者言

君命無軌專之道

其如非如也其復非復也唯奔莒之為信故謹而日之也○螽○宋

人殺其大夫司馬司馬官也其以官稱無君之辭也

何休曰近上七年宋公壬臣卒宋人殺其大夫不言

官今此在三年中言官義相違鄭君釋之曰七年殺其大夫此實無君也今殺其司馬無人君之德耳司馬司城君之爪牙守國之臣乃殺其司馬奔其司城無道之甚故稱官以見輕慢也傳例稱人以○宋司城來奔司城官也其以官殺殺有罪也此上下俱失之○見賢徧反

稱無君之辭也來奔者不言出舉其接我也

九年春毛伯來求金求車猶可求金甚矣

凱曰求俱不可在喪尤甚不稱使者天子當喪未君也

○夫人

姜氏如齊

歸寧

○二月叔孫得臣如京師京大也師衆也言周必以衆與大言之

也○辛丑葬襄王天子志崩不志葬舉天下而葬一人其道不疑也志葬危不

得葬也

不得備禮葬

日之甚矣其不葬之辭也

王室微弱諸侯無復往會葬○復扶又反

○晉人殺其大

夫先都

○三月夫人姜氏至自齊卑以尊致病文公也

夫人行例不致乃以君禮致刺公寵之過○刺

七賜反

○晉人殺其大夫士穀及箕鄭父

箕居其反

稱人以殺誅有罪也鄭父累也

○楚人伐鄭○公子遂會晉人宋人衛人許人救鄭○夏狄侵齊○秋八月曹

伯襄卒○九月癸酉地震震動也地不震者也震故謹而日之也

穀梁說曰大臣威將動有

所變

○冬楚子使穀來聘

穀子邈反又子小反或作蒧左氏作蒧

楚無大夫

無命卿

其曰穀何也以其

來我褒之也○秦人來歸僖公成風之襚秦人弗夫人也

言秦人弗以成風為夫人故不言夫人

即外之弗夫人而見正焉

見不以妾為妻之正○見賢偏反

○葬曹共公

音恭

十年春王三月辛卯臧孫辰卒○夏秦伐晉○楚殺其大夫宜申

僖四年傳曰楚無大夫而

今云殺其大夫者楚本祝融之後季連之胄也而國近南蠻遂漸其俗故棄而夷之今知內附中國亦轉強大故進之○胄直又反國近附近之近

○自

正月不雨至于秋七月歷時而言不雨文不閔雨也不閔雨者無志乎民也○

及蘇子盟于女栗

女栗某地蘇子周卿士○女音汝

○冬狄侵宋○楚子蔡侯次于厥貉

厥貉某地

也○貉亡白反

十有一年春楚子伐麇

○麇九倫反

○夏叔彭生會晉卻缺于承匡

承匡宋地○缺苦悅反

○

秋曹伯來朝

○朝直遙反

○公子遂如宋

○狄侵齊

○冬十月甲午叔孫得臣敗狄

于鹹

○敗必邁反鹹音咸

不言帥師而言敗何也

據僖元年公子友帥師敗莒師于麗獲莒挈稱帥師○麗力知反挈女居反

直敗一人之辭也一人而曰敗何也以眾馬言之也

言其力足以敵眾

傳曰長狄也凡

第三人佚宕中國

佚猶更也○佚大結反更也宕本又作害更音庚

瓦石不能害

肌膚堅強瓦石打撻不能虧損○強其丈

反撻直復反

叔孫得臣最善射者也射其目身橫九畝

廣一步長百步為一畝九畝五丈四尺○射其食亦反下

注同廣古曠反長直亮反

斷其首而載之眉見于軾

兵車之軾高三尺三寸○斷丁管反見賢徧反軾音式

然則何為

不言獲也

據莒挈言獲

曰古者不重創不禽二毛故不言獲為內諱也

不重創恤病也不禽二毛

殺老也仁者造次必于是顛沛必于是故為內諱也既射其目又斷其首為重創鬢髮白為二毛○重直用反注同創初羊反為內子為反造七報反沛音貝

其之齊者王子成父殺之則未知其之晉者也

十有二年春王正月郕伯來奔

音成○郕

杞伯來朝

僖二十七年稱子今稱伯蓋時王所進○朝直遙反

二月庚子子叔姬卒其曰子叔姬貴也公之母姊妹也

同母姊妹

其一傳曰許嫁以

卒之也男子二十而冠冠而列丈夫三十而娶女子十五而許嫁二十而嫁

禮

十而冠冠而在丈夫之列譙周曰國不可久無儲貳故天子諸侯十五而冠十五而娶娶必先冠以夫婦之道王教之本不可以童子之道治之禮十五為成童以次成人欲人君之早有繼體故因為節書稱成王十五而冠著在金縢周禮媒氏曰令男三十而娶女二十而嫁內則云女子十五而笄說曰許嫁也是故男子二十以及三十女自十五以及二十皆得以嫁娶先是則速後是則晚凡人嫁娶或以賢淑或以方類豈但年數而已若必差十年乃為夫婦是廢賢淑方類苟比年數而已禮何為然哉則三十而娶二十而嫁說嫁娶之限蓋不得復過此爾故舜年三十無室書稱曰鰥周禮云女子年二十未有嫁者仲春之月奔者不禁奔者不待禮聘因媒請嫁而已矣甯謂禮為夫之姊妹服長殤年十九至十六如此男不必三十而娶女不必二十而嫁明矣此又士大夫之禮○冠江渙反娶七住反譙在遙反笄古今反先蘇徧反後戶豆反比毗至反或如字復扶又反鰥古頑反禮為于偽反長丁丈反○夏楚人

圍巢

○秋滕子來朝

○秦伯使術來聘

術秦大夫

○冬十有二月戊午晉人秦

人戰于河曲

河曲晉地

不言及秦晉之戰已亟故略之也

亟數也夫戰必有曲直以一人主之二國戰鬪數曲

直不可得詳故畧之不言晉人及秦人戰○亟去冀反

○季孫行父帥師城諸及郛稱帥師言有難也○

春秋穀梁傳

卷六

文公

六

掃葉山房石印

乃旦反

十有三年春王正月○夏五月壬午陳侯朔卒○邾子遷餘卒○遷其居反

自正月不雨至於秋七月○大室屋壞屋者主於覆蓋明廟不都壞○大音泰傳皆同大室屋壞者有

壞道也譏不脩也大室猶世室也世世有是室故言世室周公曰大廟爾雅曰室有東西廂曰廟伯禽

曰大室群公曰宮爾雅曰宮謂之室室謂之宮然則其實一也蓋尊伯禽而異其名禮宗廟之事君親割牲夫

人親春春祭盛敬之至也為社稷之主而先君之廟壞極稱之志不敬也極稱言屋壞不

復依違其文○冬公如晉○衛侯會公於盂盂地也○狄侵衛○十有二月

己丑公及晉侯盟還自晉還者事未畢也自晉事畢也○鄭伯會公于棗棗鄭地○

匪反

十有四年春王正月公至自晉○邾人伐我南鄙○叔彭生帥師伐邾○夏五

月乙亥齊侯潘卒○潘浦子反○六月公會宋公陳侯衛侯鄭伯許男曹伯晉趙盾

癸酉同盟于新城新城宋地同者有同也同外楚也○秋七月有星孛入于北斗孛

步內

李之為言猶弟也其曰入北斗斗有環域也

據李于大辰及東方皆不言入此言入者明斗有規郭入

其魁中也劉向曰北斗貴星人君之象也弟星亂臣之類言邪亂之臣將並弑其君○弟李軌扶憤反徐邈扶勿反一音步勿反又音弗魁苦回反邪似嗟反

○公至自會○晉人納捷菑于邾弗克納

捷在接反菑側其反

是卻克也其曰人何也

微之也何為微之也長轂五百乘縣地千里

長轂兵車四馬曰乘一乘甲士三人步卒七十二人五百乘合三萬

七千五百人縣猶彌漫○穀古木反乘繩證反下及注同卒子忽反

過宋鄭滕薛賈入千乘之國欲變人主

遠也變人主謂時邾已立纍且邾小國而言千乘者大卻克之事○賈况盛反

至城下然後知何知之晚也

征不廟算正其

得失勞師遠涉乃至城下邾以義拒然後方昭貶之曰人不亦宜乎○悟五故反

弗克納未伐而曰弗克何也弗克其

義也

非力不足義不可勝

捷菑晉出也獲且齊出也

姊妹之子曰出

獲且正也捷菑不正也

正適

丁歷反

○九月甲申公孫敖卒于齊奔大夫不言卒而言卒何也

據閔二年公子慶父出奔莒後

卒為受其喪不可不卒也其地于外也

成十七年公孫嬰齊卒于經傳曰其地未踰竟宣八年仲遂卒于垂垂

齊地然則地或踰竟或未踰竟凡大夫卒在常所則不地地者皆非其常所隨其所在而書其地耳不係於踰竟與不踰竟○為于偽反羆力之反蜃市軫反

竟音境

○齊公子商人弑其君舍

殺其音試本又作弑

舍未踰年其曰君何也成舍之為

君所以重商人之弑也

舍不成君則殺者非弑也

商人其不以國氏何也

據隱四年衛州呼弑其君完不言公

子不以嫌代嫌也

春秋以正治不正不以亂平亂舍不宜立有不正之嫌商人專權有當國之嫌故不書國氏明不以嫌相代

舍之

不日何也未成為君也○宋子哀來奔其曰子哀失之也

言失其時族不知何人

○冬單

伯如齊

單伯魯大夫單音善

齊人執單伯私罪也○單伯淫于齊齊人執之○齊人執子

叔姬叔姬同罪也

十有五年春季孫行父如晉○三月宋司馬華孫來盟

泰曰擅權專國而君其君緣其不臣因曰無君

上司馬司城皆不名而此獨名者以華孫奉使出盟為好于我故書官以見專錄名以存善○華戶化反使所吏反好呼報反見賢編反

司馬官也

其以官稱無君之辭也來盟者何前定也不言及者以國與之也

○稱尺證反年未注同

○夏曹伯來朝

○朝直遙反

○齊人歸公孫敖之喪○六月辛丑朔日有食之鼓用

牲于社○單伯至自齊大夫執則致致則名此其不名何也

據昭十四年意天如至自晉稱名

子之命大夫也○晉卻缺帥師伐蔡戊申入蔡○秋齊人侵我西鄙其曰鄙遠

之也其遠之何也不以難介我國也

介猶近也○難乃旦反介音界

○季孫行父如晉○冬十

有一月諸侯盟于扈

諸侯皆會而公獨不與故恥而畧之

○十有二月齊人來歸子叔姬其曰子

叔姬貴之也其言來歸何也父母之於子雖有罪猶欲其免也

凱曰書來歸是見出之辭有罪

之人猶與貴稱書之曰子者蓋父母之恩欲免罪也

○齊侯侵我西鄙遂伐曹入其郭

郭郭○郭芳淳反

十有六年春季孫行父會齊侯于陽穀齊侯弗及盟弗及者內辭也行父失命

矣齊得內辭也

行父出會失辭義無可納故齊侯以正道拒而弗受不盟由齊故得內辭

○夏五月公四不視朔天

子告朔于諸侯諸侯受乎禰廟禮也

每月天子以朔政班于諸侯諸侯受而納之禰廟告廟以羊今公自二月不視朔至

于五月是後視朔之禮遂廢故子貢欲去其羊○去起呂反

公四不視朔公不臣也以公為厭政以其矣

班朔而公不視是不臣○厭于艷反

○六月戊辰公子遂及齊侯盟于師丘

師丘齊地○師丘左氏作鄆丘公羊作屏

上復行父之盟也

春齊侯不與行父盟故復使遂修之○復扶又反又音復注復使及下注而復皆同

○秋八月辛未夫

人姜氏薨

僖公夫人

○毀泉臺喪不貳事貳事緩喪也

喪事主哀而復毀泉臺是以喪為緩

以文為多

失道矣

緩作主躋僖公四不視朔毀泉臺之類

自古為之今毀之不如勿處而已矣

若以夫人居之而薨者但

當莫處

○楚人秦人巴人滅庸○冬十有一月宋人弑其君杵臼

秦曰傳稱人者眾辭眾之所同

則君過可知又曰稱國以弑其君君惡甚矣然則舉國重於書人也○杵昌呂反向其九反

十有七年春晉人衛人陳人鄭人伐宋衛序陳上蓋主會者降之○夏四月癸亥葬我小君

聲姜○齊侯伐我西鄙○六月癸未公及齊侯盟于穀○諸侯會於扈言諸侯者義與

上十五年同○范云言諸侯者義與上十五年同亦諸侯皆會公獨不與耻而畧之○秋公至自穀○冬公子遂如齊

十有八年春王二月丁丑公薨于臺下臺下非正也○秦伯瑩卒瑩乙耕反○夏

五月戊戌齊人弑其君商人○六月癸酉葬我君文公○秋公子遂叔孫得臣

如齊使舉上客而不稱介不正其同倫而相介故列而數之也上客聘主也禮大夫為卿介遂

與得臣俱為卿是以同倫為副使故兩言之明無差降○使所吏反注同介音界下同副使也數所主反○冬十月子卒子亦也諸侯在喪既

葬之稱○子卒不日故也故殺諱也○夫人姜氏歸于齊惡宣公也姜氏子赤之母其子

被殺故大歸也宣公亦文公之子其母敬嬴惡不奉有不得貶絕而罪惡見者

姜氏○惡為路反注同贏音盈依公羊應作頃熊齊小白以國泰曰直書姜氏之歸則有得貶絕而惡從之者氏之類是也姪娣者不孤子之

意也言其一人有子則共養○姪大結反娣音弟共養並如字一讀上九用反下餘亮反一人有子三人緩帶其望一曰